

傷寒六書

卷三

新鐫陶節菴家藏秘授傷寒六書卷之三

明餘杭節菴陶華撰

殺車總方

吾專傷寒深明奧旨。脉正則道合。神機用藥則隨手取應。的本續論全備。發明殺車槌法。世之罕有。永為養生之寶矣。今將秘驗三十七方。就註三十七槌法。二十條煎法。二十條劫病并製解法。名殺車槌也。實為我肺腑不傳之妙。我後子孫一字不可輕露。莫與俗人言。莫使庸醫見。爾宜謹慎珍藏。毋違我之致也。

劫病法

一傷寒發狂奔走。人難制伏。先于病人處生火。一盆用醋一碗。傾于火上。其煙冲鼻入內。即安。方可察其陽狂陰燥。親切用藥。

無差若初起頭痛發熱惡寒方除已後登高而歌棄衣而走踰垣上屋罵詈叫喊大渴欲死脉來有力乃因熱邪傳裏陽盛發狂當用寒藥下之此爲陽狂凡見舌轉囊縮者不治若病起無頭痛身微熱面赤戴陽煩燥脉來沉微無力欲坐卧于泥水中乃因寒熱而發燥卽陰証似陽當用熱藥溫之此爲陰燥凡見厥冷下利譫語者不治醫者不看脉以虛陽上隔而燥誤爲實熱反與涼藥使渴盛燥急則氣消成大害矣須詳脉來有力無力此爲良法○傷寒腹中痛甚將凉水一盞與病人飲之其痛稍可若屬熱痛當用涼藥清之清之不已而或遶臍硬痛大便結實煩渴唇燥尿痛急用寒藥下之若食積痛同治法若小腹尿痛小便自利大便黑身口黃者屬蓄血痛亦用寒劑加行血

藥下盡黑物則愈此三者皆痛隨利減之法也○若飲水愈即
作痛屬寒痛當用溫藥和之和之不已而或四肢厥冷腹痛嘔
吐瀉利急用熱藥救之須許脈來有力無力此爲良法○傷寒
直中陰經真寒証甚重而無脈或吐瀉脫然而無脈將好酒姜
汁名半盞與病人服之其脈來者可治當察其陰陽用藥不拘
脈浮沉大小但指下出見者生如用此法脈不治者必死又當
問病人有何疼痛處若有痛証要知痛甚者脈必伏宜隨病制
宜如無痛証用此法而脈至者此爲吉兆尤當問病人若平素
原無正取脈須用覆手取之脈必見也此屬反關脈診法與正
取法同若平素正取有脈後因病診之無脈者亦當覆手取之
○取之而脈出者陰陽錯亂也宜和合陰陽如覆取正取俱無

脉者必死矣。此爲良法。○一傷寒舌上生胎不拘滑白黃黑俱用井水浸青布片於舌上洗淨後用生薑片子時時浸水刮之其胎自退。凡見舌生黑胎芒刺者必死。此熱毒入深十有九死。是腎水尅心火也。若發黃者用生薑時時週身擦之其黃自退。若心胸脇下有邪氣結實滿悶硬痛。又法用生薑一觔搗澄出汁炒微燥帶潤用絹包于患處欸欸熨之稍可。又將渣和勻前汁炒散再熨許久豁然寬快俱爲良法。○一傷寒鼻衄成流久不止者將山梔炒黑色爲細末吹入鼻內外將水紙搭于鼻冲其血自止。若點滴不成流者其邪在經未解。照後秘方用藥不在此法。○一傷寒熱邪傳裏服轉藥後鹽炒麩皮一升將絹包于病人腹上欸欸熨之使藥氣得熱則行大便易通矣。○一傷

寒吐血不止。用薤汁磨京墨。呷下其血。見黑必止。如無薤汁。用
雞子清亦可。正謂赤屬火而黑屬水也。○一傷寒直中陰經。真
寒証。或陰毒証。身如被杖。腹中絞痛。嘔逆沉重。不知人事。四休
堅冷。如石。指甲青。藥不得入口。六脉沉細。或無脉欲絕者。
將葱縛一握。切去衣。築取白三寸許。搗如餅。先用射香半分。填
于臍中。後放葱餅臍上。以火熨之。連換二三餅。稍醒。灌入生姜
汁。煎服。回陽救急湯。如不醒。再灸關元氣海二三十壯。使熱氣
通其內。逼邪出于外。以復陽氣。如用此法。手足溫和。汗出。卽醒
者。爲有生也。如用此法。手足不溫。汗出不省人事者。必死也。
此爲良法。○一傷寒熱病。熱邪傳裏。亢極無解。用黃連煎水。一
盞。放井中。頓冷。浸青布搭在胸中。徐徐換之。待熱勢稍退。卽除。

不可久漬。夏天用此法。冬天不宜用。○一傷寒服藥轉吐出不
納者。隨用竹管重捺內閉。後將生姜自然汁半盞熱飲。其吐卽
止。大凡服寒藥熱飲。熱藥寒飲。中和之劑溫和服之。如要取汗
雖辛甘之劑亦宜熱服。如要止汗雖辛甘溫之劑亦宜溫服。此
爲良法。○一中風痰厥昏迷卒倒不省人事。欲絕者。先用皂莢
末擦紙燒烟。沖入鼻中。有嚏可治。隨用吐痰法。將皂莢末五分
半夏白礬各三分。爲細末。姜汁調服。探吐後服導痰湯。加減治
之。無嚏不可治。此爲良法。○一治乾霍亂不得吐者。用滾湯一
碗。入皂莢末三分。鹽一撮。調服。探吐。莫與米湯。設若與之。卽死。
是殺氣反助邪氣也。○一中寒卒倒昏迷不省者。先用熱酒姜
汁各半盞灌入。稍醒後服加味理中飲。爲效。如不飲酒人。止用

姜汁灌之依法調治此証冬月則有之飲月幾霜矣

製藥法

一用附子去皮磨先將塩水姜汁各半盞用沙鍋煮七沸後入黃連甘草各半兩再加童便半盞再煮七沸佳火良久撈起入磁器盛貼伏地氣一晝夜取出晒乾以備後用庶無毒害頂圓臍正一兩一枚者佳以爲良法○一用川大黃須錦紋者佳剉成飲片用酒拌勻炒乾以備後用不傷陰血如年壯實熱者生用不須製之此爲良法○一用麻黃去節先滾醋湯畧浸片時撈起以備後用庶免太發如冬月嚴寒腠理至密當用生者不須製之此爲良法○一用茱萸將塩水拌勻炒燥以備後用庶無小毒此爲良法

解藥法

一用附子後身目紅者乃附毒之過用蘿蔔搗水瀝汁二大盞入黃連甘草各半兩犀角三錢煎至八分飲之以解附毒其紅卽除如解遲必血從耳目口鼻出者必死無蘿蔔用蘿蔔子搗水取汁亦可此爲良法如無蘿蔔子用澄清泥漿水亦可也○一用大黃後瀉利不止者用烏梅二個炒粳米一撮乾姜三錢人參炒白朮各半兩生附子皮一錢半甘草一錢升麻少許灯心一握水二大鍾去渣後入炒陳壁土一匙調服卽止取土氣以助胃氣也此爲良法○一用麻黃後汗出不止者將病人髮披水盆中足露出外用炒糯米半升龍骨牡蠣蕤本防風各一兩開爲細末過身扑之隨後秘方用藥免致亡陽而死爲良法

煎藥法

一用發汗藥先煎麻黃一二沸後入餘藥同煎○一用止汗藥
先煎桂枝一二沸後入餘藥同煎○一用和解藥先煎柴胡一
二沸後入餘藥同煎○一用下藥先煎滾水入枳實一二沸後
入餘藥同煎○一用溫藥先煎乾姜一二沸後入餘藥同煎○
一用行血藥先煎桃仁一二沸後入餘藥同煎○一用利水藥
先煎猪苓一二沸後入餘藥同煎○一用止泄藥先煎炒白朮
一二沸後入餘藥同煎○一用消渴藥先煎天花粉一二沸後
入餘藥同煎○一用止痛藥先煎白芍藥一二沸後入餘藥同
煎○一用發黃藥先煎茵陳一二沸後入餘藥同煎○一用發
斑藥先煎青黛一二沸後入餘藥同煎○一用發狂藥先煎石

煮一二沸後入餘藥同煎。○一用嘔吐藥先煎半夏一二沸後入餘藥同煎。○一用勞力感寒藥先煎黃芪一二沸後入餘藥同煎。○一用感冒傷寒藥先煎羌活一二沸後入餘藥同煎。○一用暑証藥先煎香薷一二沸後入餘藥同煎。○一用風病藥先煎防風一二沸後入餘藥同煎。○一用腹如雷鳴藥先煎煨生薑一二沸後入餘藥同煎。○一用溼証藥先煎蒼朮一二沸後入餘藥同煎。

秘用三十七方就註三十七槌法

升麻發表湯

卽麻黃湯自有加減法

治冬月正傷寒頭痛

發熱惡寒脊強脉浮緊無汗爲表証此足太陽膀胱經受邪當發汗以頭如斧劈身如火熾者宜用此湯是也

麻黃 桂枝 甘草 杏仁 升麻 川芎 防風 白芷

羌活 本經發熱惡寒頭痛無汗而喘者本方加乾葛去升

麻○本經發熱惡寒身體痛者本方加蒼朮芍藥去杏仁○

本經惡寒發熱身痒面赤者以其不得小汗出故也本方去

白芷杏仁加柴胡芍藥○本經頭痛發熱惡寒胸中飽悶者

本方加枳殼桔梗○本經感寒深重服湯不作汗者宜再服

至二三劑而汗不出者死○本經汗後不解者宜再服量証

輕重用麻黃升麻分多寡爲當○水二鍾麥三片葱白二莖

槌法加江西豉一撮煎之熱服取汗如神宜厚被覆首凡

中病卽止不得多服多則反加別病矣

麻黃湯 卽桂枝湯自有加減法 治冬月正傷風頭痛

發熱惡寒者強脉浮緩自汗爲表証此足太陽膀胱經受邪
當實表散邪無汗者不可服

桂枝 芍藥 甘草 防風 川芎 羌活 白朮

如汗不止加黃芪○喘加柴胡杏仁○胸中飽悶加枳殼桔
梗○水二鍾姜三片枣二枚槌法加膠脂二匙煎之溫服

羌活沖和湯 以代桂枝麻黃杏龍各半等湯此太陽經之神

藥也○治春夏秋非時感冒暴寒頭痛發熱惡寒者強無汗

脉浮緊此足太陽膀胱經受邪是表証宜發散不與冬時正

傷寒同治法此湯非獨治三時暴寒春可治溫夏可治熱秋

可治溼治雜証亦有神也秘之不與庸俗知此奇妙耳本方

自前加減去諸用于後

羌活五分防風一錢蒼朮五錢黃芩一錢川芎一錢

白芷一錢甘草一錢生地黃二錢細辛五分可多用

如胸中飽悶加枳殼桔梗去生地黃○夏月本方加石膏知母名神朮湯如服此湯後不作汗本方加蘇葉喘而惡寒身熱本方加杏仁生地黃汗後不解宜再服汗下兼行加大黃斧底抽薪之法其春夏秋感冒非時傷風亦有頭痛惡寒身熱脈浮緩自汗宜實表本方法去蒼朮加白朮汗不止加黃芪即加減中和湯再不止以小柴胡湯加桂枝芍藥各一錢如神○水二鍾姜三片枣二枚煎至一鍾梔法加葱白搗汁五匙入藥再煎一二沸如發汗用熱服止汗用溫服

柴葛解肌湯 即葛根湯本湯自有加減法 治足陽明胃經

受証目痛鼻乾不眠頭痛眼眶痛脈來微洪宜解肌屬陽明
經病其正陽明腑病別有治法

柴胡 乾葛 甘草 黃芩 芍藥 羌活 白芷 桔梗

本經無汗惡寒甚者去黃芩加麻黃冬月宜加春宜少夏秋
去之加蘇葉○本經有汗而渴者治法開在如神白虎湯下
水二鍾姜三片棗二枚槌法加石膏末一錢煎之熱服

柴胡雙解飲 即小柴胡湯本方自有加減法 治足少陽胆

經受証耳聾脇痛寒熱嘔而口苦脈來弦數屬半表半裏宜
和解此經胆無出入有三禁不可汗下吐也止有小柴胡一
湯隨病加減再無別湯

本經証小便不利者加茯苓○本經嘔者入姜汁竹茹○脇
痛加青皮○痰多加瓜薑仁貝母寒熱似瘧者加桂枝渴者
加天花粉知母○齒燥無津液加石膏○咳嗽者加五味金
沸草壤証加蟹甲○本經証心下飽悶未經下者非結胸乃
表邪傳至胸中未入于腑証雖滿悶尙爲在表只消小柴胡
湯加枳桔未效就以本方對小陷胸湯加枳桔一服豁然其
妙如神○秘之不與俗人言之耳○虛煩煩傷寒証本方加竹葉
炒粳米○本經與陽明合病本方加葛根芍藥如拾芥○婦
人熱入血室加當歸紅花○男子熱入血室加生地黃○老
婦人傷寒無表証其熱勝者本方加大黃甚者加芒硝
小二鍾姜一片連二枚槌法入生艾汁三匙煎之溫服

桂枝大黃湯 卽桂枝湯內加大黃本方自有加減法 治足
太陰脾經受証腹滿而痛咽乾而渴手足溫脈來沉而有力
此因邪熱從陽經傳入陰經也

桂枝 赤芍藥 甘草 大黃 枳實 柴胡

水三鍾姜一片棗二枚煎之臨服梘法入枳櫛磨水二匙服
加味理中飲 卽理中湯本方自有加減法 治足太陰脾經

受証自利不渴手足溫身無熱脈來沉而無力此屬臟寒也

乾姜 白朮 人參 甘草 肉桂 陳皮 茯苓

厥陰消渴氣上衝心飢不欲食食卽吐蛇腹痛大便實者本

方加大黃蜜少許利之○本經腹濡滿時減者依本方去甘

草○本經嘔吐者加半夏姜汁○本經卷外沉重利不止少